



續名醫類案卷二十四

錢塘魏之琇編集

妊娠

海昌王士雄孟英同校
定州楊照華素園

王顯字世榮文昭皇后之懷世宗也夢為日所逐化為龍而還后后宿而驚悸遂成心疾文明太后敕召徐謩及王顯等為后診脈徐謩言是微風入臟宜進湯藥及加鍼天顯診云按三部非有心疾將是懷孕生男之象後果如言

汪石山診一婦形畏色紫姙五月矣求脈之以別男女汪曰右脈大於左脈訣云左大為男右大為女今脈右大當是女耶彼則喜曰我男胎矣往歲有姙時尊甫先生診之亦謂右脈浮大當是女孕後生男今姙又得是脈可知為男矣後果生男汪曰脈書但道其常豈能盡其變此醫所以貴乎望聞問切也

張子和診一婦人年四十餘得孕自以為年衰多病故病復作醫亦不察加燔針於兩臍旁又以毒藥攻磨轉致腹痛食減形羸已在牀枕張診其脈曰六脈皆平惟右尺洪大有力此孕脈也兼擇食為孕無疑左右皆笑之不數月生一女兩目下各有燔針痕幾喪其明凡治病婦當先問孕不可倉卒

王翳之妻病臍下積塊擇食面黃肌瘦而不月或謂之乾血氣治之無效張視之曰孕也其人不信再三求治乃與之平藥以應其意妙否則別求人治或致誤事終不肯下毒藥凡攻病之藥皆曰毒藥後月到果胎也問何以別之曰尺脈洪大也亦有尺脈微弱而孕者見求

子門汪石山案素問陰陽別論所謂陰搏陽別之脈

崑山周知縣景星家一婦病腹中塊痛專科診之曰氣積投以流氣破積之劑又命人以湯餅軸曳之不效聞有巫峯神廟頗靈往問之云此胎氣也勿用藥信之彼果生一男南京戶部主事韓文光妻病腹中作痛按之若有物在臍左右者適浙中一名醫至京請診之云是癥瘕服三稜蓬朮之劑旬餘覺愈長亦以其不效乃止後數月生

